




Պ Ա Շ Տ Օ Ն Ա Կ Ա Ն Ք

ՔԱՂՈՒԱԾՔ ՅՕՐԱԳՐՈՒԹԵԱՆՑ ՍԻՆՈՂԻ

— Ի 20-ն փետրուարի Սինոդն հրամայեաց՝ առաքելով առ թեմական Առաջնորդս Հայոց Ռուսիոյ զտապարեալ օրինակս թարգմանութեան կանոնաց, տուելոց ի նախկին Փոխարքայէն Կովկասու ի 1865 ամի վասն ընտրութեանց աշխարհական պատգամաւորաց կաթողիկոսական ընտրութեանց, պատուիրել Առաջնորդացն հրահանգել յառաջիկայ ընտրութիւնս յաղագս հարկի ընտրութեանցն այդոքիկ կանոնօք, իսկ ի խնդիրս իրաւասութեան ձայնի ի ծխական ժողովս ղեկավարել երկրորդ յօդուածով Ա. պարբ. ժամանակաւոր կանոնաց, սահմանելոց յարդի Փոխարքայէն Կովկասու ի 1905 ամի, ըստ զօրութեան որոյ ի ծխական ժողովս ունին իրաւունս ձայնի ամենայն անձինք հայ — լուսաւորչականք արական սեռի, որք ոչ պակաս քան զերկուս ամս համարին ծխականք այնր եկեղեցւոյ, որոյ է ժողովն, ունին զ25 ամեայ հա-

սակ և զօրինական իրաւունս կատարելոյ զհասարակական պարտականութիւնս: Ընդ սմին ծանուցանել ծխական ժողովոց, զի բողոքք ընդդէմ անկանոն ընտրութեանց պատուիրակ—երեւոյթխանաց ընդունին, յընթացս երկուց եօթնեկից յօրէ ընտրութեանցն, և լուծեալ լինին ի թեմական Առաջնորդէ, իսկ բողոքք ընդդէմ անկանոն ընտրութեանց թեմական պատգամաւորաց մատուցանեն յընթացս նոյնպիսի ժամանակամիջոցի Առաջնորդի թեմին, որ հանդերձ բացատրութեամբ իւրով յընթացս երկից աւուրց հասուցանէ ի Սինօդն ի տնօրէնութիւնս Հ. 159.

— Ի 27-ն փետրուարի Սինօդն հրամայեաց՝ թոյլ տալ Մկրտիչ քահանայի Գասպարեան տեղափոխել յԱղէքսանդրոպօլ քաղաքէ ի Յարիցին ի մշտական հովիւ հայ ժողովրդականաց տեղւոյնս Հ. 163.

— Ի նմին թուի Սինօդն հրամայեաց՝ զշրջաբերական հրաման Սինօդին որ ի 11-ն յունիսի 1899 ամի, զհիմնեալն ի վերայ կոնդակի ի Տէր հանգուցեալ Հայրապետի յ30 ապրիլի տարւոյն, թ. 529, թողուլ առանց փոփոխութեան, քանզի ատեանն ոչ համարի ինքեան իրաւունս առնել տնօրէնութիւն ինչ հակառակ կոնդակի Կաթողիկոսի Ամենայն Հայոց, Ուստի զյայտարարութիւն հոգաբարձութեան ներսիսեան հոգեւոր դպրոցի ի 20-ն մայիսի 1907 ամի, թ. 381, որ յանուն ի Տէր հանգուցեալ Հայրապետի, թողուլ առանց հետեւանաց, զորմէ տալ տեղեկութիւն հոգաբարձութեանն ի ձեռն Առաջնորդի թեմին Վրաստանի: Հ. 165.

— Ի նմին թուի Սինօդն հրամայեաց՝ Հիմնաւոր համարելով զմերժումն Տ. Տեղակալի Կաթողիկոսի Ամենայն Հայոց որ վասն միջնորդութեան առաջի նախարարութեան յաղագս հաստատելոյ զկանոնադրութիւն թեմական դպրոցին Աստրախանի, զխնդիր կառավարիչ Յանձնաժողովոյ դպրոցին թողուլ առանց հետեւանաց, զորմէ տալ նմին տեղեկութիւն ի ձեռն Կոնսիստ. Աստրախանի: Հ. 167.

— Ի նմին թուի Սինօդն հրամայեաց՝ Ի փոփոխումն օրագրական վճռոյ Սինօդին Ի 11-ն յուլիսի 1907 ամի նախ՝ մի տալ այսուհետև բացակայող միաբանից զսննդադրամ, զի չէ այն մասն ռոճկի, այլ գին կերակրոց և հացի, զոր ընդունէին միաբանք Ի սեղանատանէ վանուցս և երկրորդ՝ տալ զռոճիկ միաբանից, որք թոյլտուութեամբ Սինօդին մեկնին Ի Մ. Աթոռոյ, յընթացս ժամանակի, որ սահմանեսցի վճռով նորին վասն ընդունելոյ զարձակուրդ։ Հ. 169.

— Ի նմին թուի Սինօդն հրամայեաց՝ Շրջաբերական հրամանաւ յայտ առնել ամենայն Կոնսիստորիայից, զի վարչութեան Տպարանի Մ. Աթոռոյ տուեալ են իրաւունք քննելոյ զամենայն հաշիւս հոգևոր հաստատութեանց որ ընդ տպարանի և պահանջելոյ զապառիկս Ի ձեռն անդամոյ ուրուք վարչութեանն կամ պաշտօնական գրութեամբ։ Պատուիրել նաև ամենայն Կոնսիստորիայից և հոգևոր կառավարութեանց, զի ամենայն թղթեան, բլանկս և մատենաս գիւանականս յանձն արասցին միայն տպարանի Մայր Աթոռոյ Ի տպագրել։ Հ. 173.

— Ի նմին թուի Սինօդն հրամայեաց՝ Հաստատելով զեզրակացութիւն Կոնսիստորիային Ղարաբաղի, գաղարեցուցանել զԵղիշէ քահանայն Տէր Յովսէփեան Բէկլարաքենդ և Բլեղ գիւղից, վիճակին Նուխույ Ի քահանայագործութենէ և առաքել զնա Ի վանս Սեանայ միամեայ ժամանակաւ, յանձնելով զհովուութիւն ծխականաց նորայլում՝ քահանայի այնու պայմանաւ, զի զմի երրորդ մասն արգեանցն ընկալցի նա յօգուտ իւր և զերկու երրորդ մասունս տացէ ընտանեաց Եղիշէի քահանայի Տէր Յովսէփեան։ Հ. 177.

— Յ 3-ն մարտի Սինօդն հրամայեաց՝ թոյլ տալ Կոնսիստորիային ՀայոցՎրաստանի ընդունել զՄիքայէլն Տէր Գրիգորեանց Ի հոգևոր կոչումն Ի ձեռնադրել զնա Ի քահանայ Շամշուրդա գեղջ։ Հ. 193.

— Ի 5-ն մարտի Սինօդն հրամայեաց՝ քանզի Փո-


խանորդ Պանձակի Կորիւն վարդապետ ի հնգից ամսոց հետէ եղեալ ի բանտի հեռացեալ է ի պաշտօնատեղւոյն, համարել զնա արձակեալ ի պաշտօնմանէն և սահմանել նմա ի նպատտ ուրբիս երեսուն առ ամիսն, զոր պատուիրել հատուցանել Կոնստանտնուպոլիսի Վոտոտանի՝ մինչ վարդապետն գտանի ի բանտի, իսկ վասն կարգելոյ զք ի պաշտօն Փոխանորդի Պանձակի առանձին յայտարարութեամբ դիմել առ Տ. Տեղեկալ Ատենապետի Սինօդին։ 197.

— Թ 7-ն մարտի Սինօդն հրամայեաց՝ զհիմնական նորոգութիւն Մ. Տաճարի Ս. Էջմիածնի գտանելով անհրաժեշտ՝ նախ՝ տալ Սինօդիս զժապաւինեալ և զվաւերացուցեալ մատեան վասն արձանագրելոյ ի նմին զգումարս դրամոց, զորս Սինօդն ունի ընդունել հետզհետէ ի գրասենեակէ Մեծ. Աղէքսանդրի Մանթաշեանց և վասն տալոյ ի դրամոց հետզհետէ, ըստ չափու կարեաց, կարգեալ Յանձնաժողովոյն ըստ գրութեանց նորին, ի պէտս նորոգութեան Տաճարի եւ երկրորդ՝ առաջագրել կարգեալ Յանձնաժողովոյն յետ աւարտման գործոյն մատուցանել նաև Սինօդին զմանրամասն հաշիւ ընկալեալ դրամոցն և կատարեալ գործոյն։ Հ. 209.

— Թ 8-ն մարտի Սինօդն հրամայեաց՝ նախ՝ խնդրել ի պ. Պրօկուրօրէ Սինօդին կաղմել մասնաժողով վասն ի յայտ ածելոյ՝ թէ որչափ արմատք անդորրագրոց ծխահարկաց և այգեհարկաց մատուցեալ են ի Սինօդն և դիւանն նորին յընթացս ժամանակի հարկաժողովութեան հանգուցեալ Յակովբայ Տէր Անտօնեանց, որչափ ի նոցունց գոն այժմ ի դիւանի և որչափ անյայտացեալ են, երբ և ի ձեռն որոյ երկրորդ՝ ի նամակէ Ատենադպրի Կոնստանտնուպոլիսի նոր—Նախիջևանի և Բեսորաբիոյ Մկրտչի Տէր Անտօնեանց նկատելով՝ զի աշխատ լինի նա տալ թագուցանել զարմատս անդորրագրոց ծխահարկաց և այգեհարկաց յընթացս ժամանակի հարկաժողովութեան հանգուցեալ հօր նորա, ուստի առաքմամբ պատճենի նամակի

նորին որ ի 15 փետրուարի անցելոյ յանուն ծառայողի Սի-
նօբին Արմենակայ Հայկազունեոյ, յանձն առնել նախա-
դահի Կոնսիստորիային պահանջել ի Տէր Անտօնեանցէ
զբացատրութիւն և առաքել դայն ի Սինօբն. իսկ մինչ այդ,
ունելով ի նկատի, զի յիշեալ Տէր Անտօնեանցն մնալով
ի պաշտաման Ատենադարի Կոնսիստորիային կարէ ցուցա-
նել զայդպիսի անհաւատարմութիւնս և ընդ փաստաթուղթս
թեմական Ատենին, ուստի հեռագրաւ յանուն Կոնսիստո-
րիային արձակել զնա ի պաշտամանէ Ատենադարի: Հ. 197.

— Ի 10-ն մարտի Սինօբն հրամայեաց՝ զառաջա-
դրութիւն Տ. Նախարարի որ վասն կարգելոյ զոր ի ժա-
մանակաւօր կառավարիչ թեմին Աստրախանի մատուցա-
նել Տ. Տեղակալի Ատենապետի Սինօբին ի պատշաճ տնօ-
րէնութիւն: Հ. 214.



Ամուսնալուծութիւնք.

— Ի նմին թուի Սինօբն հրամայեաց՝ առեալ ի նկատ
զցուցմունս վկայից զմտաւոր վիճակէ Մանեայ Քեալաշեանց և
զնոտարական ստորագրութիւն առն նորա Սահակայ, լուծանել
զպսակ Քեալաշեանց ամուսնոց, թոյլ տալով առն մտանել
ի նոր ամուսնութիւն ընդ այլում: Հ. 126.

— Ի նմին թուի Սինօբն հրամայեաց՝ հաստատելով զեզ-
րակացութիւն Կոնսիստորիային Ն. Նախիջևանի և Բեսարաբիոյ,
լուծանել զպսակ բնակչի Գրիգորիպօլ քաղաքի Բաղդասարայ
Լէոնիկ ընդ կնոջն Վարդուհեոյ, թոյլ տալով կնոջն և եթ մտա-
նել ի նոր ամուսնութիւն ընդ այլում: Հ. 127.

— Ի 13-ն փետր. Սինօբն հրամայեաց՝ հաստատելով զեզ-
րակացութիւն Կոնսիստորիային Հայոց Վրաստանի, լուծանել
զպսակ բնակչի Բոլնիս-Խաչէն գեղջ Սիմէոնի Տէր Անդրէասեանց
ընդ կնոջն Մարեմայ Սարգսեան, թոյլ տալով առն և եթ մտա-
նել ի նոր ամուսնութիւն ընդ այլում: Հ. 133.

— Ի նմին թուի Սինօբն հրամայեաց՝ հաստատելով զեզ-
րակացութիւն Կոնսիստորիային Երևանայ, լուծանել զպսակ
բնակչի Բաշքեանդ գեղջ գաւառին Նոր—Բայեղետու Աղաբէկի

Մխիթարեան ընդ Իսկուհւոյ Համբարձումեան, Թոյլ տալով առն
և եթ մտանել ի նոր ամուսնութիւն ընդ այլում: Հ. 134.

— Ի 15-ն լիետր. Սինօդն հրամայեաց՝ լուծանել զպսակ
ընակչի Հին—Խրիմ քաղաքի Բաղդասարայ Բէշէճեան ընդ կնոջն
Նղիսարեթի ի պատճառս անյայտ բացակայութեան Վերջնոյն,
տալով առն իրաւունս նորոյ ամուսնութեան: Հ. 142.

— Ի նմին թուի Սինօդն հրամայեաց՝ հաստատել զեղրա-
կացութիւն Կոնսիստորիային Երեւանայ, որ վասն լուծանելոյ
զպսակ ընակչուհւոյ Նոր—Բայաղէտ քաղաքի Շուշանկան Առա-
քելեանց ընդ Աւետի Առաքելեանց ի պատճառս անյայտ բա-
ցակայութեան առն և տալոյ կնոջն իրաւունս մտանելոյ ի նոր
ամուսնութիւն: Հ. 143:

— Ի նմին թուի Սինօդն հրամայեաց՝ հաստատել զեղրա-
կացութիւն Կոնսիստորիային Հայոց Վրաստանի, որ վասն լու-
ծանելոյ զպսակ Տիխիսաբնակ Գաբրիէլի Բէժանեանց ընդ Սո-
նայի Վարդանեանց և տալոյ միայն առն իրաւունս նորոյ ա-
մուսնութեան: Հ. 144.

— Ի նմին թուի Սինօդն հրամայեաց՝ լուծանել զպսակ
Թելաւաքնակ Սոփիայի Աւետիբեանց, Թոյլ տալով Երկոցունց
ևս մտանել ի նոր ամուսնութիւն յետ արկանելոյ զնոսա ընդ
միամեայ եկեղեցական ասպաշխարանօք վասն ապօրինի կենակ-
ցութեանն նախքան զլուծումն պսակին: Հ. 148.

— Ի 27-ն լիետրուարի Սինօդն հրամայեաց՝ հաստատելով
զեղրակացութիւն Կոնսիստորիային Ղարաբաղի, լուծանել զպսակ
Մինայի Բաղդասարեանց ընդ առն Սարգսի, Թոյլ տալով կնոջն
մտանել յօրինաւոր ամուսնութիւն ընդ Աւետի Միրզայեան
զկնի քառասնօրեայ եկեղեցական ասպաշխարանաց: Հ. 178.

— Ի նմին թուի Սինօդն հրամայեաց՝ զպսակ Բուդաղի
Բռնօթ ծախեան ընդ Բադիի Ղօշշունց ընակչաց Սաբաթլու գեղջ
գաւառին Նուխուոյ—համարել վաւերական ըստ կոնդակի ի Տէր
հանգուցեալ Կաթուղիկոսի ամենայն Հայոց, իսկ զպսակագիր
քահանայս զՅովհաննէս և զԹադէոսն Տէր Աւագեանց ճանաչել
ազատ ի պատասխանատուութենէ ըստ զօրութեան Բարձրագոյն
հրովարտակի, որ ի 11-ն Օգոստոսի 1904 տմի: Հ. 179.

— Ի նմին թուի Սինօդն հրամայեաց՝ հաստատելով զեղ-
րակացութիւն Կոնսիստորիային Ղարաբաղի լուծանել զպսակ
ընակչուհւոյ Հերհեր գեղջ գաւառին Շուշուոյ Մինայի Սաղի-

եանց ընդ առն Յակովբայ, կնոջն և եթ թոյլ տալով մտանել ի նոր ամուսնութիւն ընդ այլուս: Հ. 181.

— Ի նմին թուի Սինօզն հրամայեաց՝ հաստատելով զեղրակացութիւն Կոնսիստորիային Ղարաբաղի, լուծանել զպսակ ընակչուհւոյ Կաղարծի գեղջ գաւառին Շուշուոյ, Ռեհանի Մարգարեանց ընդ առն Գրիգորի Մարգարեանց, թոյլ տալով կնոջն մտանել ի նոր ամուսնութիւն ընդ այլուս: Հ. 182.

— Ի նմին թուի Սինօզն հրամայեաց՝ հաստատելով զեղրակացութիւն Կոնսիստորիային Հայոց Վրաստանի, լուծանել զպսակ ընակչի Մեծ-Գեօնդուրա գեղջ գաւառին Ախալքալաքայ, Մնացականի Անտօնեանց ընդ կնոջն Փառանձեմայ Յովհաննիսեան, թոյլ տալով առն և եթ մտանել ի նոր ամուսնութիւն ընդ այլուս: Հ. 183.

— Ի նմին թուի Սինօզն հրամայեաց՝ հաստատելով զեղրակացութիւն Կոնսիստորիային Հայոց Վրաստանի, լուծանել զպսակ ընակչուհւոյ Շուշի քաղաքի Սաթենկան Արամեանց ընդ Մարգարայ Արտեմեանց, թոյլ տալով կնոջն մտանել ի նոր ամուսնութիւն ընդ այլուս: Հ. 184:

— Ի 5-ն մարտի Սինօզն հրամայեաց՝ ի պատճառս անյայտ բացակայութեան ընակչի Քեօսէ Ահմէտ գեղջ գաւառին նոր-Բայազէտու, վերաբնակեալն ի նովորոսիյսկ քաղաքի Մկրտչի Մելիքեանց, լուծանել զպսակ նորա ջիւանի Հայրապետեան Մելիքեանց, տալով կնոջն իրաւունս նորոյ ամուսնութեան յետ արկանելոյ զնա ընդ եռամսեայ եկեղեցական ապաշխարանօք վասն ապօրինի կենակցութեանն: Հ. 198.

— Ի նմին թուի Սինօզն հրամայեաց՝ ոչ տեսնելով զօրինական հիմն լուծման պսակի ընակչի Գանձակ քաղաքի Աւետիսի Յարութիւնեանց ընդ կնոջն Արիհայթաթի, զմիջնորդութիւն Կոնսիստորիային Հայոց Վրաստանի, որ վասն լուծման պսակին, թողուլ առանց հետեանաց, պատուիրելով թեմական Ատենին տնօրինել յորդորել զամուսնինս գալ ի հաշտութիւն և ի համարնակութիւն ի յարգանս քառասնամեայ ամուսնական կենաց նոցա: Հ. 199.

— Ի նմին թուի Սինօզն հրամայեաց՝ ոչ գտանելով զօրինական հիմն լուծման պսակի վերաբնակչուհւոյ Կարս քաղաքի Նսթերի մահաեսի Յակովբեան ընդ Սարգսի Թարխանեանց՝ հաստատել զեղրակացութիւն Կոնսիստորիային Երեւնայ, որ վասն ձերբօղոյ զխնդիր կնոջն յաղագս լուծման պսակին: Հ. 200.